



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XXIX. De Dominica ac Festo Pentecostes, nec non cæteris diebus
infran ejus Octavam occurrentibus.

urn:nbn:de:hbz:466:1-39937

TITULUS XXIX.

De Dominica ac Festo Pentecostes, nec non cæteris diebus infra ejus Octavam occurrentibus.

DOMINICA PENTECOSTES (hoc est *Diei Quinquagesime* post Pascha, de qua vid. erudita apud Gavant: Tom. 1. P. 4. Tit. 11. à. n. 22.) est *Dominica major* 1. *Classis*, adeoque *Privilegiata* contra quodcunque Festum aliud in ea occurrens, ita quidem, ut in ea, uti & in duobus sequentibus diebus, ne quidem Missa Votiva solennis (seculo Speciali Privilegio) de alio Festo possit decantari, uti manifestè constar ex Rubr. Gen. VI. Missal. Reliquis verò infra Octavam diebus in Ecclesijs, ubi Titulus est Ecclesiæ, vel concursus Populi ad celebrandum Festum, quod transferri debet, possunt quidem cantari duæ Missæ, una de die, alia de Festo (& quidem utraque post NONAM, ob specialem pro hoc casu rationem, ita tamen, ut prius decantetur illa, quæ est de *Die*, & cum Officio concordat, postea verò ea, quæ est de *Festo*, ad cuius Missam populus eò libentiùs, quò tardius convenire solet, ut notat Gav. Tom. 1. P. 1. Tit. 6. ante fin.) aut saltem Comemoratio fieri de Festo, uti etiam decantari pro re gravi Missa Votiva solennis (non item dici Missæ Vo-

tivæ privatæ, etiam de *Requiem*) tamen in Missis etiam hujusmodi Votivis solennibus dicenda est Præfatio (nisi votiva propriam habeat) de Pentecoste, nec non cum ejusdem *Communicantes & Hanc igitur*, etiam in casu, quò Missa Votiva solennis propriam habet Præfationem: Quæ tamen non dicuntur in Missis etiam solennibus de *Requiem*, quæ post 1. Pentecostes Triduum dicuntur præsentente Funere: In his enim etiam solennibus, semper dicitur Præfatio Communis, uti & *Communicantes*, & *Hanc igitur* Comune, infra quamcunque Octavam decantentur. Quæ omnia constant ex ijs, quæ Communiter traduntur à Rubricistis Tit. de Præfat. Tit. de Miss. Votiv. & Tit. de Miss. Defunctor.

In Officio DOMINICÆ seu FESTI PENTECOSTES (quò ad modum Officij Paschalis, habet in *Matutino* tantum 3. Psalmos, adeoque unicum Nocturnum, cum totidem Antiphonis, & Lectionibus) omnia dicuntur sub Ritu duplici 1. *Classis*, uti notantur in Proprio de Tempore, sine ulla Comemoratione. Ad *Primam* in Responsor: brev: dic: *Qui Sedes ad*
 Y 3 de.

dexteram Patris Alleluja, alleluja. Ad Tertiam ab hac die usque ad Sabbatum sequens inclusivè Hymnus: *Veni Creator Spiritus &c* locò Hymni: *Nunc Sancte nobis &c*; quia convenit (ut notat Gavantus) ut S. Spiritum, qui hora tertiâ super Apostolos descendit, hoc die Hymno longiori, ac proprio Festi invocemus, & ad nos invitemus: porro ad primam Hymni hujus intonationem eadem sunt observanda ad Tertiam, quæ supra ad *Vesperas*, uti hic monet Bauldry, additque: *Videri sibi HORAM TERTIAM* hoc Tempore Pentecostes solemnius decantandam, accensis omnibus cereis Altaris: ad eam etiam (inquit idem) omnes Clerici de Ecclesia adsint. Alia in Choro, tam hodie & per Octavam, quàm etiam pridie Pentecostes observanda vide apud eundem P. 4. c. 14. Manual: ubi inter alia notat, *Missas solennes* hujus Octavæ dicendas post NONAM, facèsque reportari in Sacristiam post Elevationem Sacramenti utramque. *Col. Rub.* usque ad *Vesperas* seq: *Sabbati exclusivè*.

Missæ hodie, & per totam Octavam quotidie Propria, cum *Glor.* sequentiâ, ac *Credo*, & in ea Oratio hodie, & sequenti biduo unica, sine Commemoratione *Festi Simplicis* occurrentis, Præfatio, *Communicantes*, & *Hanc igitur*, ut heri. In fine Evangel. S. Joan. *Col. Rub.*

Ad Vesperas Antiphona: Cùm

complerentur &c, cum reliquis de Laudib. Psalmus *Dixit Dominus*, cum cæteris de Dominica, qui, uti & Antiphonæ, quotidie dicuntur per Octavam, Capitulum, & Hymnus (*Veni Creator*) ut in 1. *Vesperis*. Versus: (*Loquebantur*) & Antiphona *Magnificat* cum Oratione, ut in Proprio de Tempore *Col. Rub.*

FERIA II. & III. PENTECOSTES. Officium fit rursus Ritu duplici i. Clau ac sine omni Commemoratione, tiam simplicis occurrentis, sicut in die, exceptis respectivè Versibus Nocturni; Lectionibus; Responsorio; Antiphonis ad *Benedictus*, & ad *Magnificat*, ac Orationibus, quæ omnia pro singulis per Octavam diebus propria assignantur in Proprio de Tempore.

Missæ quoque cuilibet per Octavam Feriæ sua peculiaris assignantur in Proprio de Tempore: à Missali Romano, & in ea dicitur *Gloria*, sequentiâ, & *Credo*, nec non Præfatio, *Communicantes*, & *Hanc igitur*, uti in Festo. Oratio Feriæ II. & III. dicitur unica (sine Commemoratione Festi Simplicis, si quod forè in alterutra, aut utraque occurrat) in reliquis vero deinceps Ferijs duæ, ut paulò post dicitur. *Col. Rub.*

Vesperæ FER. II. & III. dicuntur eodem modo ac Ritu, quò in Festo, exceptâ Antiphonâ ad *Magnificat*, & Oratione, quæ quotidie per Octavam juxta dicta sunt propria; nec fit aliqua in his *Vesperis* de Festo Sim-

Simplici occurrente, aut etiam subsequente Commemoratio. Col. Rub.

FERIA IV. Pentecostes (quæ est Feria IV. 4. Tempor. in æstate) est *Jejunium de Præcepto*, ad Imitationem Apostolorum, qui, absente jam Sponso Christo, *Jejunio* se dederunt, & Spiritus Sancti Adventu Carnis delicias ablegaverunt. Isidor. L. 1. c. 37. & Amalar. L. 2. c. 1. Officium hodie, ac reliquis deinceps diebus usque ad Sabbatum sequens inclusivè fit *Semiduplex*, cum Commemoratione Festi Simplicis, si quod in illis occurrat, at tamen sine ultima de eo Lectione, etiamsi propriam habeat. Versus ad Nocturn: Lectiones, Responsoria, Antiphonæ ad *Bened.* & *Magnif.* ac Oratio quotidie sunt propria: reliqua dicuntur (sed Ritu semidupl.) uti in Festo.

Missæ hæc, & sequentibus Ferijs dicitur uti pro quavis respectivè Feria notatur in Propr. de Temp. cum *Glor.* Sequentiâ, *Credo*, ac reliquis, uti præcedentibus diebus: hodie tamen (sine *Flectamus genua*, ratione scil. Temporis adhuc Paschalis) dicuntur 2. Lectiones, & Sabbato sequenti sex, ratione 4. Temporum, ut ibi. Dicuntur quoque hæc, & seqq. Ferijs in Missa 2. Orationes, una de die, altera *Ecclesie*, vel pro Papa, nisi occurrat *Festum Simplex*; tunc enim de eo fit Commemoratio etiam in Missa, nec tamen propterea tunc dicitur tertia Oratio, adeoque

omittitur tunc Oratio tam contra *Persecutores Ecclesie*, quam pro *Papa*. In fine autem dic: *Ite*, & Evangel: *S. Joan.* In *Vesperis* (quæ Ritu tamen Semidupl: de reliquo verò uti diebus præcedentibus cum Antiphona propr: ad *Magnificat*, & Oratione propria dicuntur) fit Commemoratio Festi Simplicis, si quod cras occurrat. Col. Rub. Quod si infra hanc Octavam post primum ejus Triduum dicenda sit Missa *Votiva solemnis* pro re gravi, & dicatur de S. Spiritu, dicenda est ea, quæ competit diei occurrenti, & non alia. *Arnaud Epit. Tr. I. P. 1. Tit. 4. in fin.* Idem ibid. P. 4. Tit. 16. n. 2. monet: Si hæc, aut aliâ infra hanc Octavam die (post primum ejus triduum) cantanda sit Missa de Festo transferendo ob *Concursum populi*, vel ratione *Titularis Ecclesie* (ut in Rubric: Gener: VI. Missal.) aut Missa *Votiva solemnis* pro re gravi, dicendam illam esse ut Tempore Paschali; eò quod hoc primum terminetur Sabbatò ante Trinitatem.

Fer. V. post Pentec: *Officium*, & *Missæ* dicuntur Ritu ac Modò heri declaratò.

Feria VI. Quatuor Temporum Pentecostes (in qua *Jejunium de Præcepto*) pariter *Officium* ac *Missæ* dicuntur Modò ac Ritu Fer. IV. præcedente declaratò. Quod si dicatur hodie ex mandato Superioris in Missa ultimò locò Oratio: *DEUS Refugium*, Correspondens huic *Postcommuniò*

munio mutanda est cum Postcommunionis Orationis proximè sequentis pro *Quacunq[ue] Tribulatione*, nè coincidat cum Postcommunionis hodiernæ Missæ.

SABBATÔ 4. TEMPOR. PENTECOSTES (in qua rursus *Jejunium Ecclesiasticum de Præcepto, & Collatio SS. Ordinum* in Ecclesijs Cathedralibus) *Officium* fit semidupl: de Octava Pentecostes, ut heri, exceptis ijs, quæ sunt propria; & ad *Primam* in Martyrologio annuntiatur primò locò *Festum SS. Trinitatis*. *MISSA* propria, in qua 6. *Lectiones*, sed sine *Flectamus genua* ad prævias *Orationes*, propter etiamnum adhuc currens *Tempus Paschale*. *Oratio* 2. ut *Feria IV.* præcedente. 3. non dicitur. In eadem *Gloria, Credo, Sequentia*, aliæque respectivè ut ibi, & præcedentibus diebus, nisi quòd in fine *Sequentiæ* non dicitur *Alleluja* in hac *Missâ*, uti in propria notatur *Rubrica*: addendum tamen adhuc est *Alleluja* ad *Antiphonam Cantici 3. Puerorum* post finem *Missæ* recitari soliti: Quia *Tempus Paschale* finitur primùm *Celebratâ* post *Nonam Missâ*, Cujus (Ritu *Paschali* etiamnum celebratæ) ultimum *Complementum* cum sit *Canticum 3. Puerorum* cum sua *Antiphonâ*, ideo huic quoque etiamnum addendum erit *Alleluja* *Tempore Paschali* toto addi solitum. Notat *Gavantus*: *Missam* hujus *Sabbati* esse *Plenissimam*; quia *Omnia* (ut

quit) *Quæ dici possunt in Missâ*, in ea una continentur, scilicet *Hymnus Angelicus, Prophetia, Sequentia, Symbolum, Præfatio, Communicantes, Hanc igitur*. Hodie post *NONAM Celebratâ* *Missâ* terminatur *Tempus Paschale*. Unde si fiat *Translatio* alicujus *Festivi* *Tempore Paschali* ad non *Paschale*, dicuntur de eo *Officium & Missâ* prout *Tempore non Paschali*.

Ad *Mensam* ab hodierna die inclusivè usque ad diem *Natalis Domini* exclusivè *BENEDICTIO Mensæ Communis*, quæ in diebus *Jejuniorum* ad *Comestionem meridiam* est: *Edent pauperes &c.*

Vesperæ sunt de *Festo SS. Trinitatis*, dicendo omnia, sub *Ritu duplici* 2. *Classis* in *Ecclesiâ universali* uti notantur in *PROPR: de Temp.* huius ijs fit *Commemoratio de Dominica I.* post *Pentec:* per *Antiphonam: Læta Domine*, & *Verf: Vespertina Oratio*, cum *Oratione propr:* ut ibi. Si cras occurrat *Festum Simplex*, non fit de eo in hodiernis *Vesperis* *Commemoratio*. *Completorium* dicitur deinceps rursus ut in *Psalterio* per annum; & à primis *Vesperis Festi SS. Trinitatis* usque ad *Adventum* *Officium* terminatur per *Antiphonam Salve Regina &c.* *Verf: Ora pro nobis &c.* & *Orat: Omnipotens sempiternæ DEUS &c.* quæ *Antiphona* cum suo *Verfu*, & *Oratione stando* dicitur à *Vesperis* cujuslibet *Sabbati* usque ad finem sequentis diei *Dominicæ*; alijs ve.ò diebus dicitur

flexi

flexis genibus. Col. Alb. Si Completorium separatim dicatur à Vesperis solemnibus, convenit, ut Antiph: *Salve Regina*, quæ hodie incipit, in choro decantetur post Vesperas, non verò primùm post Completorium, ut Antiphona prædicta, sicut aliæ similes, inchoentur per Cantum Semper. Bauldry P. 4. c. 15. n. 2.

Hodie, uti & alijs Sabbatis, in quæ incidit *Jejunium de Præcepto* extra

Quadragesimâ ac Tempus Paschale, non esse standum ad signum Angelicæ Salutationis, quod datur in Meridie (ob nondum scilicet dictas Vesperas &c.) sed primùm Vesperis, dictum est supra.

Ubi Festum SS. Trinitatis est *Titulus Templi*, Vesperæ hodiernæ dicendæ sunt Ritu duplici 1. Classicum Commemoratione tamen Dominicæ 1. post Pentec: sed solius.

TITULUS XXX.

De Festo SS. Trinitatis, & Dominica I. post Pentecosten.

DOMINICÂ I. post PENTEC: à plurimis jam Sæculis celebratur in Ecclesia Universali sub Ritu dupl. 2. Class. *Festum SS. Trinitatis*; Unde hæc Dominica annumeratur *Dominicis Majoribus* 1. Classis, hoc est, contra quodcunque aliud Festum ita privilegiatis, ut quodcunque aliud Festum, in hac Dominica alicubi occurrens, cedere, huic Festo, & in diem alium proxime non impeditum transferri debeat, etiam si sit 1. Classis v. g. *Patronus*, aut *Titularis*, ut notat Gavant. Tom. 2. Sect. 6. c. 19. n. 2. & cum eo Bauldry, constatque ex Rubr. Gen. X. Breviar. n. 1. Itaque

OFFICIUM ac MISSA in hac Dominica sunt de Festo SS. Trinitatis,

dicendo omnia, prout norantur in *PROPRIO de Tempore*.

In OFFICIO dicitur 9. Lectio de Homilia in Evang. Dominicæ I. post Pentec: cum Commemoratione ejusdem Dominicæ in Laudibus. Quòd si occurrat Festum Simplex, fit etiam de illo Commemoratio in Laudibus ibi, ubi SS. Trinitas non est Titulus Templi, sine 9. de eo Lectione, etiam si propriam alioquin habeat; quia 9. Lectio dicitur de Dominica occurrente. In tertiâ Antiphona ad Laudes Vox *omnium* Conjungenda est Vocis *ore* (non autem cum Voce *Patri*) ita, ut Sensus sit: *in Ore omnium*. Gav. loc. cit. n. 3.

Ad PRIMAM (quæ de reliquo dicitur ut in alijs Festis duplicibus per

2

an-